

“Nihil denique quod in dedecus, aut in incommodum Magistro sive Sociorum alicui, aut Collegio ipsi verti posse credidero, conabor, sed neque conantibus ipse ullo modo consentiam. quoad vixero. Hæc omnia in me recipio et polliceor.”

CAP. XXVII.

De Disciplina Collegii.

Scholares atque alii omnes qui in statu pupillari sint ad debitam reverentiam et obedientiam erga Magistrum et cæteros Officiarios Collegii exhibendam teneantur; quiete et decore se gerant; Statuta omnia atque Ordinationes a Magistro et Sociis de tempore in tempus ad Collegium regendum faciendas observent. Si quis eorum Statuta vel Ordinationes prædictas observare neglexerit, aut culpam aliquam contra disciplinam Collegii et bonos mores in se admiserit, per Magistrum, vel ejus vicem gerentem aut Decanum eorum vice fungentem, puniatur secundum arbitrium eorum. Proviso quod nemo a Collegio aut in tempus aut penitus amoveatur, neque Scholaris emolumentis suis privetur, nisi a Magistro et Sociis in hoc convocatis.

CAP. XXVIII.

De Mancipe, Coquo, aliisque Famulis et quodam Magistri Famulo.

Postremo quosdam intra Collegium dictum advertimus discipulis ipsis inferiores, famulos videlicet et mercenarios, quos universo corpori pedum loco habendos esse judicamus. Mancipem, coquum, aliosque famulos esse volumus qui omnes honestæ et bonæ conversationis sint, imprimis curandum est. Neminem autem horum conduci volumus sine consensu Magistri et majoris partis Sociorum. Et quandam præter hos Magistrum famulum permittimus, ad sua negotia peculiaria, a Magistro ipso conducendum.

CAP. XXIX.

De Beneficiorum Collatione.

Quoties contigerit beneficium aliquod vacare, cujus præsentatio ad Collegium jure patronatus pertineat, Magister et Socii, intra trium mensium spatium a vacatione prædicta aliquem ex suo numero, si ita fieri poterit, eligant quem maxime statuent esse idoneum, quique nullum habeat aliud beneficium ecclesiasticum, cui animarum curam aut residendi necessitatem leges, statuta aut consuetudines hujus regni vel beneficii ipsius fundatio, vel locale statutum aut consuetudo annexerunt; eumque diceceseos illius Episcopo, in qua erit vacans ecclesia vel alteri cuicumque instituendi pastoris sive rectoris potestatem habenti, præsentent ab ipso in pastorem sive rectorem ecclesiæ prædictæ admittendum et instituendum.

Sin vero neminem talem in suo numero invenire poterunt, tunc licebit Magistro et Sociis aliunde sumere quem in beneficium instituendum præsentent.

Advocationes cuiquam concedendi Magistro et Sociis omnem facultatem penitus præscindimus, ut et inappropriationibus assentiendi protestatem.

CAP. XXXI.

De Pensionariis intra Collegium admittendis.

Circumspicientes adhuc unde perniciæ aut malum aliquod huic corpori oriri queat, non videmus id facile fieri posse ex membris ipsis cum tam exacta cujusque personæ priusquam in illum numerum recipiatur probatio habenda sit. Maxi-

No. 22479.

C

mum ergo quod veremur, est, si quosdam præter hunc numerum convivas, et Pensionarios admittant, quorum non integra conversatio alios forte corrumpet atque ita sensim universi reliqui corporis labes sequetur: Volumus igitur et statuimus quod nemo alius ut Pensionarius admittatur ad convictum et conversandum in dicto Collegio nisi qui testimonio Magistri et majoris partis Sociorum probatæ ac famæ inviolatæ fuerit; quique etiam Scholaribus, Sociis, aut Discipulis in moribus probis excolendis, artibus scholasticis exercendis et divinis officiis celebrandis, se conformaturum fideliter promiserit, et hisce nostris Statutis et Legibus obtemperaturum, priusquam intra dictum Collegium admittatur. Neque quenquam Pensionariorum prædictorum diutius in Collegio morari permittimus quam ut Scholastica exercitia, quæ cæteris suæ conditionis imponentur diligenter obeat, et moribus talis esse perseveret, ut Magistri judicio probetur. Nullum etiam pro Pensionario ad convictum Scholarium admitti vel in Collegio morari volumus, qui beneficium aliquod nactus est curam animarum annexam habens.

CAP. XXXII.

De ambiguis et obscuris interpretandis.

Quod si quid obscuri vel ambigui in his nostris Statutis emergerit quod interpretationem necessariam desideret, de eo Magistrum et Socios in Collegio præsentés tractare volumus, et interpretationem quam ipsorum pars major fecerit pro vera et legitima haberi et teneri. Quod si inter ipsos modo prædicto non convenerit, vel si quispiam ex Sociis vel Scholaribus interpretationem illam iniquam esse queretur, tunc intra decem dies a tempore tractatus prædicti Magistrum Collegii Christi et duos seniores in Sacra Theologia Doctores Universitatis prædictæ adiri volumus, et quam sententiam Statuti controversi duo ipsorum esse decreverint, ex ea volumus controversiam prædictam terminari, omnesque in eadem acquiescere.

CAP. XXXIV.

Statutum de Camera consanguineis Fundatoris reservanda.

Cum per Fundatoris Statuta constitutum sit ut camera una, ex earum numero quæ tunc temporis recens exstructæ erant, posteris et consanguineis suis sub certis conditionibus reservaretur, volumus et statuimus ut integra in posterum maneat Fundatoris de hac re constitutio, et reservetur semper camera ab illo designata posteris et consanguineis ejus assignanda (si qui in Collegio fuerint) prout in Statutis ab ipso editis constitutum est.

CAP. XXXV.

De Valore Pecuniæ mutato.

Si quando ob mutatum pecuniæ valorem, summæ in his Statutis expressæ aut majores aut minores æquo visæ fuerint Magistro et Sociis, ita ut injuria afficiantur vel singulorum vel Collegii commoda, tunc licebit iis, per literas Sigillo Collegii communi consignatas, approbante Procancellario Universitatis, aut augere aut diminuere summas prædictas, ita ut pares et æquæ fiant: quæ summæ pares et æquæ in posterum vice summarum in his Statutis expressarum stent; idque fiat quoties necessitas postulabit.

CAP. XXXVI.

De Jure appellandi ad Procancellarium.

Ubicumque his Statutis jus appellandi ad Procancellarium Universitatis concedatur, Procancel-